

II. П. АГАЯН, *Вековая дружба народов Закавказья, „Айастан“*, Ереван, 1972, кн. II, 406 стр.

Անդրկովկասի ժողովուրդների դարավոր բարեկամության պատմության ուսումնասիրության ասպարեզում ՀՍՄՀ ԳԱ ակադեմիկոս Մ. Պ. Աղայանի կատարած երկարատև և քրտնաջան աշխատանքի առաջին պտուղը դրախտավող մենագրության առաջին մասն էր, որտեղ հարուստ փաստական նյութի հիման վրա հեղինակը ցույց է տվել երկրամասի ժողովուրդների բարեկամությունը՝ սկսած հնագույն ժամանակներից մինչև Հոկտեմբերյան սոցիալիստական մեծ հեղափոխությունը:

Մենագրության երկրորդ մասը նվիրված է Անդրկովկասի ժողովուրդների բարեկամության այն լուսավին, երբ նրանք համատեղ պայքար էին մղում հանուն սոցիալիստական հեղափոխության հաղթանակի, երկրամասում սովետական կարգերի հաստատման և սոցիալիզմի կառուցման:

Աշխատության առաջաբանում հեղինակը կանգ է առնում ՍՍՀՄ կազմավորման 50-ամյա հոբելյանի, ՍՍՀՄ ժողովուրդների մեծ նվաճումների, սոցիալիստական ազգերի ծաղման ու զարգացման, ՍՍՀՄ խաղաղած յերթին և միջազգային դերի ու նշանակության հարցերի վրա, համառոտակի թվարկում է այն գլխավոր խնդիրները, որոնց լուսաբանմանը նվիրված է դրախտավող աշխատությունը:

«Մեծ հոկտեմբերը և ազգային հարցը» պրոբլեմը քննելիս, հեղինակը ցույց է ավել հանուն սոցիալիստական հեղափոխության հաղթանակի Անդրկովկասի բուլշևիկների ու աշխատավորական մասսաների մղած պայքարը, ինչպես նաև վեր հանել այն փաստերը, որոնք վկայում են ժողովուրդների բարեկամության զարգացման նոր էտապի սկզբնավորման մասին: Այս կապակցությամբ նա լուսաբանել է Հոկտեմբերյան սոցիալիստական մեծ հեղափոխության համաշխարհային պատմական նշանակությունը և ընդգծել ազգային հարցի լենինյան ծրագրի լուծման վիթխարի դերը՝ սոցիալիստական հեղափոխության հետագա զարգացման և ազգային-ազատագրական ու հեղափոխական շարժումների նոր վերելքի գործում: Միաժամանակ հեղինակը ցույց է ավել Անդրկովկասի ժողովուրդների համար ստեղծված նպաստավոր պայմանները, երկրամասում սովետական կարգերի հաստատման նպատակով մղված պայքարի ընթացքը, մերկացրել դաշնակցական, մուսավաթական, մենշևիկյան ու հակահեղափոխական այլ կուսակցությունների, ինչպես նաև երկրամասի շահադարձող դասակարգերի ու նրանց հովանավորող միջազգային իմպերիալիզմի հակասովետական քաղաքականության հակաժողովրդական բնույթը:

Գրախոսվող գրքում պատկերված է Բաքվի հերոսական կոմունան, որպես Անդրկովկասում սովետական իշխանության ու ժողովուրդների ինտերնացիոնալ միավորման դրոշակակիր, քաջախղձված է նրա լեգենդար ղեկավարների՝ Ստ. Շահումյանի, Ա. Զափարիձեի, Վ. Ֆիոլետովի, Մ. Ագիգբեկովի և ուրիշների գործունեությունը: Մ. Պ. Աղայանը կարողացել է ճիշտ արտացոլել ու գնահատել Հոկտեմբերյան սոցիալիստական մեծ հեղափոխության նվաճումների պահպանման համար ուս, հայ, ադրբեջանցի, վրացի, ուկրաինացի և բազմաթիվ այլ ժողովուրդների բարեկամության ու ինտերնացիոնալ միասնության, նրանց համատեղ պայքարի բնորոշ փաստերը:

Ուշագրավ են հայ ազատագրական պայքարի առանձին դրվագների, թուրք նվաճողների դեմ 1918—1920 թթ. հայ ժողովրդի մղած պայքարի, նրա ազգային հերոսների գործունեության, հատկապես նրանց սովետական կողմնորոշման վառ արտահայտությունների առթիվ հեղինակի տված գնահատականներն ու եզրակացությունները: Հայ ժողովրդի կողմից թուրք ցեղասպաններին տրված հակահարվածները հեղինակն իրավացիորեն գիտում է որպես ամբողջ երկրում սովետական իշխանության հաղթանակի համար մղած նրա պայքարի արտահայտություններից մեկը և հենց այդ առումով էլ բարձր է գնահատում նաև հայ և ադրբեջա-

նական առանձին ազգային հերոսների, ինչպես նաև ինտերնացիոնալ պարտիզանական շոկատների գործունեությունը:

Անդրադառնալով Անդրկովկասում սովետական իշխանության հաղթանակի հարցին, Մ. Պ. Աղայանը երկրամասի 1918—1921 թթ. քաղաքացիական պատմության ընդհանուր ֆոնի վրա շարադրում է սովետական իշխանության համար տեղի բոլշևիկյան կազմակերպությունների և աշխատավորական մասսաների մղած պայքարի սեղմ պատմությունը. տալիս Անդրկովկասի բազմազգ աշխատավորությանը ռուս ժողովրդի ցույց տված անգնահատելի օգնության լիարժեք բնութագիրը և իրավացիորեն եզրակացնում, որ սովետական կարգերի հաստատումը Ադրբեյջանում, Հայաստանում ու Վրաստանում ընդմիշտ ամրապնդեց ժողովուրդների եղբայրական և դարավոր բարեկամությունը և նրանց միշտ որակական նոր հարաբերություններ ստեղծելով՝ գրեց այդ բարեկամության նոր էտապի անսասան հիմքերը:

Առանձնապես ցայտուն են Անդրկովկասյան կոմիսարիատի ու սեյմի, ինչպես նաև մենշևիկյան, իուսավթական ու դաշնակցական կառավարությունների և գերմանա-թուրքական ու անգլո-ամերիկյան ինտերվենտների տիրապետության ժամանակաշրջանում հեղափոխության և հակահեղափոխության միջև տեղի ունեցող անհաշտ պայքարի պատմությունը նվիրված էջերը: Հեղինակը բազմակողմանիորեն բացահայտել է Անդրկովկասում նոր կյանքի կերտման համար սովետական իշխանության հաղթանակի վիթխարի նշանակությունը: Այս կապակցությամբ վեր են հանված ու զնահատված սովետական հանրապետությունների միավորի, շարժման առաջին էտապի պատմության գլխավոր իրադարձություններն ու դրավզները:

Աշխատության այս մասում զգալի տեղ է հատկացված Անդրկովկասում սովետական իշխանության վերջնական հաղթանակի, հակահեղափոխական արկածախնդրական խռովությունների չախչախման և սովետական իշխանության առաջին քայլերի լուսաբանությանը, երկրամասի ժողովուրդների փոխհարաբերությունների ու բարեկամության նոր էտապի սկզբնավորմանը:

Բացահայտելով բուրժուական նացիոնալիզմի կատարած ոճակցիոն դերը և ընդգծելով պրոլետարական ինտերնացիոնալիզմի կարևոր նշանակությունը, հեղինակը եզրակացնում է, որ նոր կյանքի շնմին երկրամասի աշխատավորությանը սովետական հայրենասիրության, ժողովուրդների բարեկամության և պրոլետարական ինտերնացիոնալիզմի ոգով դաստիարակելը դարձավ Անդրկովկասի կոմունիստական կազմակերպությունների զաղափարական աշխատանքի գլխավոր ուղղություններից մեկը:

Մենագրության մեջ պատշաճ տեղ է հատկացված Անդրկովկասի ժողովուրդների բարեկամության հետագա ամրապնդման պրոբլեմի ճիշտ լուծման, երկրամասի սովետական հանրապետությունների ֆեդերատիվ միության ստեղծման, գրանցում Վ. Ի. Լենինի և կոմունիստական կուսակցության խաղացած դերի լուսաբանությանը:

Հարուստ փաստական նյութի հիման վրա ցույց տալով Անդրկովկասի հանրապետությունների ֆեդերատիվ միավորման ակունքները և նրա ստեղծման համար ծավալված շարժման կարևոր դրվագները, հեղինակը բարձր է գնահատում Անգրֆեդերացիայի դերն ու նշանակությունը, այն համարելով ժողովուրդների լենինյան բարեկամության ցայտուն մարմնացում և կուսակցության ազգային քաղաքականության ճիշտ իրազեկման կարևոր նվաճումներից մեկը:

Բազմաթիվ հետաքրքիր փաստաթղթերի ու տվյալների հիման վրա հեղինակն աշխատել է ցույց տալ սովետական հանրապետությունների միավորիչ շարժման երկրորդ և երրորդ էտապներում Անդրկովկասի, Ուկրաինայի, Բելոռուսիայի և ՌՍՖՍՀ ժողովուրդների քաղաքական սերտ միավորման միահամուռ ձգտումները: Հիմնավորելով ՍՄԶՄ ստեղծման անհրաժեշտությունը և նկարագրելով այդ նպատակին ուղղված համաժողովրդական շարժման ընթացքը, հեղինակը մասնավորապես բացահայտել է նացիոնալ ուկրոնիստների և բուրժուա-ազգայնական տարրերի կողմից միավորիչ շարժման դեմ հարուցած մեղեդալությունների վնասակարությունը:

Ցույց տալով ՍՄԶՄ կազմավորման լենինյան սկզբունքների և այսպես կոչված, «ավտոնոմիզացիայի» արատավոր տեսակետի արմատական հակադրությունը, հեղինակը տալիս է ՍՄԶՄ ստեղծման սեղմ պատմությունը և վեր հանում ժողովուրդների լենինյան բարեկամության վառ պատկերը, որից երևում է, թե սովետական բոլոր հանրապետություններն ինչպես էին բարեկամության, համերաշխության և համատեղ աշխատանքի ձեռք մեկնում միմյանց: Այստեղ հեղինակը բնութագրում է ՍՄԶՄ ստեղծման միջազգային նշանակությունը, նրա դերը մեր երկրի ժողովրդական տեսնության վերականգնման և սոցիալիզմի կառուցման գործում, նա միաժամանակ մերկացնում է ՍՄԶՄ-ի դեմ տրոցկիստական, աշ-օպորտունիստական ու ազգայնական տարրերի

լատարած ոտնձգությունները, ցույց տալիս ժողովուրդների բարեկամության ու նրանց սոցիալ-խոստական ապագայի կերտման ասպարեզում դրանց խիստ վտանգավորությունը:

Աշխատության վերջին մասում Մ. Պ. Աղայանը անդրադառնում է այն հարցերին, թե ՍՍՀՄ-յ ադմադոյ ժողովուրդները միասնական ընտանիքով, էությունիստական կուսակցության ղեկավարությամբ ինչպե՞ս կառուցեցին սոցիալիզմը, ինչպե՞ս իրագործվեց սոցիալիստական տնտեսության ստեղծումը, ինչպե՞ս ամբողջ երկրում կենսագործվեցին սոցիալիզմի կառուցման լենինյան սյուների բաղկացուցիչ մասերը, ժողովուրդների բարեկամությունը և սովետական հայրենասիրությունը ինչպե՞ս զարգան մեր հասարակության առաջընթացի շարժիչ ուժերը, ի՞նչ դեր խաղացին սոցիալիստական արվեստն ու դրականությունը սովետական մարդկանց կոմունիստական դաստիարակության գործում, ինչպե՞ս է նրանցում արտացոլված մեր անծայրածիր երկրի ժողովուրդների, այդ թվում և Անդրկովկասի ժողովուրդների եղբայրական բարեկամությունն ու նրա անշեղ զարգացումը:

Հեղինակը կարողացել է իր շոշափած բոլոր գլխավոր պրոբլեմները դիտականորեն լուսաբանել, բացահայտել դրանց բաղադրական նպատակներն ու արժեքավորել լուծման արդյունքները:

Սակայն դրախոսվող մենագրության այս մասը զերծ չէ առանձին թերություններից ու բացերից: Համաձայն լինելով հեղինակի առաջ քաշած պրոբլեմների քննական վերլուծությանն ու դիտական եղբայրանդումներին, մենք, այնուամենայնիվ, տարբեր տեսակետներ ունենք այսպես կոչված «Հայաստանի կոմունիստական կուսակցության» կամ հայկունական կազմակերպության պատմական տեղի զնաճատման հարցում: Նախ, դրախոսվող աշխատության մեջ տվյալ հարցում գերազանցատված է այդ կազմակերպության դերը: Նրկորդ, հեղինակը գտնում է, որ ՌԿ(Բ)Կ կովկասյան երկրային կոմիտեն իրավացի չէր այդ կազմակերպության գործունեության զնաճատման մեջ: Մեր կարծիքով՝ այդպիսի եղբայրանդման համար անհրաժեշտ հիմքեր չկան: «Հայաստանի կոմունիստական կուսակցության պատմության ուրվագծերում» այդ պրոբլեմը արդեն գտել է իր բավարար լուծումը:

Մ. Պ. Աղայանի «Անդրկովկասի ժողովուրդների դարավոր բարեկամությունը» մենագրության դրախոսվող հատորը զրված է դիտական պատշաճ մակարդակով, կարդացվում է հետաքրքրությամբ և որոշակի ներդրում է սովետահայ պատմագիտության մեջ:

Վ. Ն. ՆԵՐԿԱՐԱՐՅԱՆ

Պատմական գիտությունների դոկտոր